أنت أدميتَ العيونا .. يا أمير المؤمنينا

إنه كربٌ جليْ .. رحلَ اليوم عليْ

•

لو فقدنا اليوم عالم .. شفنا هذا الدين يُثلم ثغرة في الإسلام تبقى .. الله بس بيها إلي يعلم أوقف آنا بهالرواية .. وقلبي من همها ايتلعثم ليلة بيها ايروح حيدر .. اشتظن هالدين يسلم ؟

إنه كربٌ جليْ .. رحلَ اليوم عليْ

•

من مثل حيدر بداية .. استقبله بيت الجلاله هاي من الله كرامة .. يتضح في الحق كماله ختم الدنيا ابسجوده .. وانكتب بالدم رسالة فيها ابوالحسنين راحل .. الله يامحلي وصاله

إنه كربٌ جليْ .. رحلَ اليوم عليْ

داره ضجّت بالبواچي .. من خرج شاحب طبيبه قال ايروح الليلة حيدر .. لحظة للشيعة عصيبة داحي الباب ابصرامه .. ترتهب لجله الحريبة ياعجب لابس عصابة .. وهامته بالدم خضيبه

إنه كربٌ جليْ .. رحلَ اليوم عليْ

زينب ابحسره تضمه .. تنظر ابراسه جراحه تسأله يابويه ردتك .. كافي آلام او مناحة من بعد فقد البتولة .. والحزن ناشر جناحه هذا آخر يوم يمك .. ريت مايطلع صباحه

إنه كربّ جلى .. رحلَ اليوم على

الحسن وحسين يمّه .. اوزينب الليلة تودعه ماتريد العيد يجبل .. بالحزن دمعه اعلى دمعه زينب اخذي هالوصية .. واخوتج حيدر تسمعه قال أبوفاضل كفيلج .. كل حزن عنج يرفعه

إنه كربٌ جليْ .. رحلَ اليوم عليْ

يا وصي الله اوحبيبه .. ودِّع الليلة اليتامى توقف إبابك تنادي .. تدعو إمن الله السلامة چلْمة اوداعك أخيرة .. چنها من يوم القيامة صاحت الكوفة برحيلك .. على ماتمم صيامه

إنه كربٌ جليْ .. رحلَ اليوم عليْ

إحنا أيتامك ياحيدر .. إعطفك إعلينا بحنانك أنت باب الرحمة إلنا .. ناخذ الصك ابضمانك يخسر إلخلاك آخر .. من يقدمهم مكانك !! أنت وصتى إعليك طه .. يل أمان الله أمانك

إنه كربٌ جلى .. رحلَ اليوم على

شيعتك خير البرية .. الله في القرآن نزّل آية معروفة وصريحة .. أنت بعد الهادي أول في بيوت الله الي تُرفع .. بالذكر للباري تكمل طه فسرها بحياته .. أنت بيتك علي أفضل

إنه كربٌ جليْ .. رحلَ اليوم عليْ

أنت أدميتَ العيونا .. يا أمير المؤمنينا

الشاعر/محمود ميرزا آل عباس